

Onderhawige motie  
unaniem aangenomen!

|                    |               |
|--------------------|---------------|
| Griffie ER Bonaire |               |
| Ingek.:            | JUN 11 2021   |
| Volgnummer:        | ER-2021000403 |
| Griffier:          | Litv.:        |

**Moshon**

Entrega:  
Dra. Esther J. Bernabela  
Frakshon UPB

Voorzitter | Griffier  
*[Handwritten signatures and initials]*

Awe den reunion di Konseho Insular, 8 di juni mi kier observa Ku:

Tur aña di nobo desde 1971 a mira movimiento di konsientisashon riba medio ambiente. Esey ta tuma lugar riba dia 22 di april dia di Tera.

Partidonan den Konseho Insular di Boneiru, ta uni den vishon i konkordansa di intenshon y den pensamentu pa krea maneho i implementashon. E dekada nos dilanti, ta uno ku ta importante sigur riba tereno di protekshon di medio ambiente. E akuerdo klimatologiko di Paris, huntu ku inovashon multilateral mundial, standarisashon di maneho i invershon di komunidad Europeo i Hulanda a uni pa konsolida protekshon di medio ambiente. No solamente protekshon ta primordial pero generashon di aktividatnan produktivo pa un ekonomia resiliente i duradero lo mester keda introdusi riba nos isla di Boneiru.

**Konsiderando**

1. Ku partidonan den Konseho Insular di Boneiru tin e firme konvishon ku mester stimula estudio i aserkamentu di praktika di un maneho Energetiko-Klimatologiko pa Boneiru, basá riba entre otro transmishon i kambio di energia fosil di petrolio importá, transitando pa Energia Alternativa pa elektrifikashon direkto i indirekto (via e-fuels) den proksimo dekadanan.
2. Ku partidonan den Konseho Insular di Boneiru tin e ambishon den tempo pa trese nos isla di Boneiru na nivel ehekutabel i sigur di 100% energia alternativa i renovabel komo tambe e ambishon pa kontribui efektivamente na redukshon i/o resiklashon di CO<sub>2</sub> pa bai progresivamente aserkando te logra bira Net-Zero, komo alaves mitigando e efekto negativo reflehá, debi na kambio klimatologiko na mundu.
3. Ku mester kuminsa estudionan i praktika intensivo di maneho i implementashon di gerensia duradero den sektor publiko i priva riba tereno di ekonomia sirkular huntu ku transishon di energia fosil pa renovabel.

4. Ku ta invita i instrui nos Kolegio Ehekutivo di Boneiru pa ehekuta e moshon di dia: 01 di Mart ultimo, enkuanto establesementu di un banko di desaroyo sostenibel pa Boneiru den kua ta dirigi e enfoke riba un institushon pa invershon i/o duna garantia i/o facilita den obtenshon di subsidionan komo insentivo den Proyektonan Berde pues un "Green Fondo".
5. Ku ta fundamental e bon praktika di maneho ekologiko di Boneiru, di kua nos ta pionero pa mas di 52 aña, pero tambe nos ta hasi nos pionero den presente i futuro komo un isla ku ta inverti den providensia di su pueblo den un mundu kambiante (Demo Island).
6. Ku nos isla di Boneiru no solamente lo avansa ku un Fondo Berde riba nos teritorio, pero alabes lo avansa riba nivel bilateral i multilateralmente ku akuerdonan di invershon den protekshon di medio ambiente o implementashon di inovashon den mekanismo nan pa un miho komunidad Boneriano. Unu ehemplar.
7. Ku e kuadro di invershon di un ekonomia sirkular i di energia alternativa, berde i renovabel ta ankra su mes riba e proseso di transakshon material i servisio kubri pa tratadonan internashonal i multilateral unda nos Bonerianonan mester proteha e transferensia di nos teritorio i patrimonio tangibel i intangibel pa nos futuro generashonnan.

#### Ta disidi:

1. Rekorda Kolegio Ehekutivo riba e moshon dia: 04 Mart 2021 tokante: Banko di Desaroyo pa Boneiru, unda ta duna un mandato kla i afirmativo di maneho di un Fondo pa invershon den nos ekonomia sirkular i renovabel. Esaki den kuadro di Groei Fonds Europeo multilateralmente anto bilateralmente ku Hulanda pa Proyektonan Berde i renovabel, alabes proyektonan di innovashon teknologiko.
2. Instala un komishon di Konseho Insular pa introdusi legislashon pa un konsepto di ordenansa pa elaborashon di maneho, estudio i implementashon di praktika di automobil elektriiko i satelital "Selfdriving Cars", den nos ordenansa di trafiko pa alabes transita nos sektor di transportashon ku uso fosil pa elektriiko, i kaminda no por, produzi i utiliza 'e-fuels' (electrofuels) sirkular den fundamentu di pensamentu di energia limpi pa nos Boneiru i mundu.
3. Ta propone Konseho Insular di Boneiru pa instala un komishon di estudio i proposishon pa entrega un konseho o iniciativa di ordenansa pa introdusi implementashon di energia renovabel na Boneiru unda e meta ta pa elimina energia fosil prome ku aña 2050. Partisipashon di nos kompania di utilidat WEB ta nesessario i imperativo den e komishon.

Ta pasa pa ordu di dia

Drs E. J. Bernabela

Sr. Norbert Silberie

